

որ վրացիք համոզուէին, թէ իրենց դէմ ամենի Ռուսաստանը չէ կանգնած, այլ «խղճուկ Հայաստանը», որին մի անգամ արդէն նրանք «յաղթել էին» եւ այժմ էլ կարող էին յաղթել...

Դուրս է գալիս, որ վիրահայ ժողովուրդը անմեղ տեղը քառութեան նոխազ պէտք է դառնար, որպէսզի վրացիների ռազմական կորուրդը բարձրանար եւ նրանց զօրքերը, պարտութեան մատնելով ուս բողբուկներին, յաւերժացնէին ժորդանիայի եւ իր ընկերների տիրապետութիւնը նախկին փոխարքայի ասպարանքում...

Այս տխուր էջով էլ փակուում է վիրահայ ազգային փոքրամասնութեան հանդէպ ժորդանիայի կառավարութեան որդեգրած քաղաքականութեան պատմութիւնը:

* * *

Մեր աչքի առաջն է այժմ այս քաղաքականութիւնը, որ սկսում է Վրաստանի անկախութեան սկզբի օրերից եւ որոշ ելեւէջերով շարունակում մինչեւ նրա վերջին ժամերը: Մեր ձեռքի տակ են նաեւ Վրաստանի Հանրապետութեան Սահմանադրութեան 129-137-րդ յօդուածները, որոնց մէջ շատ գեղեցիկ գաղափարներ կան ձեւակերպուած ազգային փոքրամասնութիւնների պաշտպանութեան մասին:

Երբ ժորդանիան այդ յօդուածներից է խօսում, մեր մտքի մէջ իսկոյն ուրուագծւում է նրա հետապնդած գործնական քաղաքականութիւնը մասնաւորապէս վիրահայ ազգային փոքրամասնութեան հարցում: Եւ, առանց խիստ դատաւոր լինելու, պէտք է ասենք, որ եթէ ժորդանիան կարող է պարծենալ Վրաստանի Սահմանադրութեան յիշեալ յօդուածներով, նա երբեք չի կարող պարծենալ, թէ ինքը այդ յօդուածների ոգով է ղեկավարուել վիրահայ ազգային փոքրամասնութեան գործերը կարգադրելիս...

* * *

Բողբուկները ուսական սուկներին միջոցով նուաճելով Վրաստանը՝ յանձնեցին վերաց բողբուկների իշխանութեանը: Վերջիններս հիմն ի վեր շրջեցին ժորդանիայի եւ իր ընկերների հաստատած քաղաքական, ընկերային եւ տնտեսական կարգերը, սակայն,

զրեթէ առանց փոփոխութեան որդեգրեցին նրանց հետապնդած քաղաքականութիւնը վիրահայ ազգային փոքրամասնութեան իրաւունքների կամ, աւելի ճիշդն ասած, իրաւազրկութեան խնդրում: Ներկայիս էլ Վրաստանի Սորհրդային վարիչները քայլ առ քայլ վրաց մենչեւիկների եւ ազգայնականների դժած ուղիով ընթանում են այս խնդրում, որքան եւ հրապարակօրէն խարանում են նրանց շովենիստական միտումները:

Փաստերի համար երկար ու բարակ պըրպըտումներ կատարելու կարիք չկայ:

Սմէնջին յայտնի է, որ բողբուկները ազգային հարցերի արմատական լուծումը գարձըրին իրենց քաղաքական ծրագրի գլխաւոր կէտերից մէկը եւ, ինչպէս հոկտեմբերեան յեղաշրջման ժամանակ, նոյնպէս եւ այսօր, թմրկահարում են ամենուրեք, որ այդ հարցը միմիայն Սորհրդային երկրներում է հետեւողականօրէն լուծուած: Չենք ուրանում, որ նրանք այս մարդի մէջ հսկայական նշանակութիւն ունեցող գործերի ձեռնարկեցին նախկին ուսական կայսրութեան զանազան մասերում: Նրանք ոչ միայն սկզբից եւ եթ առանց այլեւայլութեան ճանաչեցին Լեհաստանի եւ Ֆինլանդիայի կատարեալ անկախութիւնը, այլ եւ, որոշ տատանումներից յետոյ, թոյլ տուին, որ իստանիան, Լատվիան եւ Լիտվանիան էլ իրենց անկախ հռչակեն Ռուսաստանից: Դեռ աւելին. բողբուկները կիսանկախ պետական կեանքի կոչեցին այնպիսի ժողովուրդների, որոնք հոկտեմբերեան յեղաշրջումից առաջ ինքնուրոյն պետականութեան կամ պետական ինքնուրոյնութեան մասին գաղափար իսկ չունէին, ինչպէս օրինակ՝ բելոռուսները, թիւրքմէները, տաճիկները, զրդները, քաչկերները եւն., որոնք կազմակերպուեցին իբրեւ առանձին հանրապետութիւններ կամ ինքնավար շըրջաններ Ռուսաստանի Ֆեդերատիւ Հանրապետութեան ծոցում: Բացի սրանից՝ բողբուկներն սկսեցին ազգային գիտակցութիւն հրահրել եւ ազգային ուրոյն մշակոյթի պահանջներ ստեղծել մի շարք յետամնաց ցեղերի մէջ, որոնք նոյնիսկ գէր ու զրականութիւն չունեն: Նրանց համար այբրենարաններ են հնարուում, դպրոցներ բացուում եւ ազգային ինքնուրոյն